

**Zeitschrift:** Il glogn : calender dil pievel : annalas per historia, litteratura e cultura romontscha  
**Band:** 10 (1936)  
**Artikel:** La muntaniala  
**Autor:** Tuor, T.  
**DOI:** <https://doi.org/10.5169/seals-881259>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 22.11.2025

**ETH-Bibliothek Zürich, E-Periodica, <https://www.e-periodica.ch>**

---

Perduna, car lectur, ch' jeu sundel sescaldaus in techet cun caussas, che van la finfinala tier a mi nuot (aschia vegnan numnadamein biars a patertgar), mo mei occupeschan ed encreschan talas questiuins, cunzun cura ch'ins vesa ch'ei daventa pauc ni nuot sin quei grond ed impurtont territori social! Tgei benefeci fuss ei, de saver gidar en quels graus? Buca cun plaids, mobein entras l'ovra!

Hai jeu fatg in plascher als vischins de Mompé-Medel cun scriver l'istoria de lur vischinadi? Jeu sai buc; forsa bein e fors'è buc! Mo ton creiel jeu d'astgar sperar, „ch' ils affons de lur affons, fors'en tschien onns“, vegnan a selegrar, sch'els legian inaga casualmein, co lur pardavons han viviu, luvrau e barhau ed aschia gudignau la cumpleina schurnada per quels quater dis, ch'els han viviu cheu en nossa paupra Val de Larmas.

Cuera, Tschuncheismas 1935

Guglielm Gadola

Fontaunas e litteratura per quest studi:

Archiv de Mompé-Medel; notizias culturalas e copias de documents historics da P. B. Berther p. m. ella bibl. rom. Mustér; notizias sur Mustér, da Franzestg Bundi, bibl. rom. Mustér; informaziuns orales: da Rosa Levi p. m., dunna de Baseli Schmed, vegl; Luis Levi. ect. ect.

---

## La muntaniala

Poesia da Dr. Al. Th. Tuor — Illustrada da Alois Carigiet Trun-Turitg

O tgei biala veta che quei fuva  
Per la muntaniala temps de stad  
De saver sils tschenghels leda viver  
En cumpleina sontga libertad

Cun las jarvas frestgas savurusas,  
Che carschevan sin scadin sulom  
Ella sco da vera perdanonza  
Tguschamein dustava sia fom.

Ella delectava cun tgaubrochels  
Il passant, il paster e cavrer;  
Da ses schuls, che rabattend tunavan  
Ils camutschs surstavan sil garver.

Sin quest pauper pauper mund de strefflas  
Tut sto prender ina fin denton;  
Sche las caussas paran pli che stablas  
Vegn spèrt la malura tonaton.

Alla fin gl'atun s'approximescha,  
Nova neiv las gondas ha curclau  
E la muntaniala seretilla  
Sur unviern afuns afuns el funs dil vau.

Dorma ditg e dorma stagn en tauna,  
Las malauras pèr lai rumplanar;  
Siemis siemia d'ina primavera  
Che dei nova veta laventar.

Cara muntaniala, cheu sin tiara  
Tut sto suttacumber al destin,  
Siemis pli che bials ed emperneivels  
Baul san prender ina tresta fin.

Umens tut de mét in di comparan  
Ferm armai cun palas e zapuns;  
Ord gl'igniv la muntaniala cavan  
E da quei selegran sco tons Huns.



En in sac dormenta sfundran ella  
Sco tons laders tut zuppadamein;  
Cun la prèda sco ded ir a frusta  
Tras il bostg caminan tochen Rein.

Cun express vegn vinavon termessa  
Tochen a Turitg, il grond marcau;  
El curtin zologig demaneivel  
Mess'a létg vegn en in auter vau.

Caulds fagugns en cuort puspei ramuran  
Dapertut ei fa da primavaun;  
Ella laventada, sin tuts quatter  
Alla glisch seruschna plaun a plaun.

Tgei aspects cheu a ses egls seporschan,  
O tgei heresias, tgei mund stuorn;  
Tgei midadas strias nuncapeivlas,  
Tgei confus e sinistrau contuorn!

Tgei burlenta jastra montanera  
Denter seifs e sfoss ed aults remparts;  
Demaneivel ina mar de casas  
Cun tgamins fimonts sin tuttas varts.

Roschas glied dasperas van e vegnan,  
Muossan sin la praupra cun il det,  
Giuvenots che feman cigarettas,  
Damas che tschaghegnan cul lorgnet.

Ella vesa cun sgarschur quei traffic,  
Ed avon ses egls ei vegn tut stgir,  
E l'encreschadegna per las pézzas  
Palpitar il cor fa pir e pir.

In schabetg sur ura cheu daventa,  
In schabetg ch'ei struschamein de crer,  
Tonaton ei quei ch'jeu ussa ditgel  
Succediu e ver e pli che ver.

A Turitg in di vegn ina scola  
Lunsch lunsch giu d'in vitg grischun alpin  
E gl'empre de tut fa la viseta  
A quei pli che renomau curtin.


Tut en inagada tgei sorpresa  
Per il pign cavrer dell'alp Crapner!  
Ei quei ver quei ch'el po ver? El trembla  
Ed avon ses egls ei vegn tut ner.

Enconuscher po la muntaniala,  
La compogna de ses giuvens onns  
Ch'el empriu ded enconuscher veva  
Sper las aultas pézzas sin ils cons.

E medemamein la muntaniala  
Catta spèrt il vegl amitg d'agur,  
Stat sidretg e sponda grossas larmas  
Da spir legherment e da dolor.

Spons ha larmas — quei ei caussa certa;  
Umens ch'eran leu han sez quei viu,  
Umens che merettan confidonza;  
Hail mez quei dad els sez udiu.

Cun la pintga muntaniala veva  
Nies cavrer fatg tontas ga termagls;  
Quella vev'el vid l'ureglia dretga  
Giu nudau da pintga cun dus tagls.



Ed ad ella deva dalla tastga  
Ravas, petta, paun e zucherams  
E savens dasperas péra tosta  
Biscutins perfin ed auters mams.

Ella dat aunc al caver la toppa  
Per comiau. A casa quel ei jus,  
E da quella tresta sentupada  
Staus aunc ditg, aunc ditg ei sco sturnius.

La damaun sissu la muntaniala  
Sper la tauna morta schai dil tut;  
Igl encrescher schar per sias pézzas  
Ha dil tut il cor ad ella rut.

